

**ILULISSANI NAJUKKAMI ATAATSIMIITITALIAP
IMMIKKUT ITTUMIK ATAATSIMIINNERA
PINGASUNNGORNEQ ULLOQ 5. FEBRUAR 2025 NAL. 16:00**

Peqataasut: Jonas Fleischer, Siulittaasup tullia - siulittaasuungallartooq
Paarnannguaq Mathiassen, ilaasortaq
Brian Grønvold, ilaasortaq
Elin Andersen, ilaasortaq
Lena Ravn Davidsen, Kommunalbestyrelsimit toqqangaq

Pisortaq: Palu Eriksen, allattoqarfimmi pisortaq
Imaqarniliortoq: Allaffimmi pisortaq
Immikkut peqataasut:

Nutserisut:
Ingerlannera: Ammasoq

ILUNA	SAMMISAT	BILAG
	Ilisimasitsissutit	~
003	Siulittaasumik qinersititsineq	001
004	Innuttaasunik ataatsimiisitsinissap nutaamik ullulerneqarnissaa	002
005	Nammaarfimmiit Qilakitsup tungaanut qaninersiortarfimmik suliassaq	003
006	Multibanep pilersinnissaanut suliaq	004

Ilisimatitsissutit:**Aningaasaqarneq**

Aningaasaqarneq suli nikeqqinngilaq, naatsorsuutigivarpulli juullerpalaarutit aningaasartuutitai takkutigajalissasut. Taakku ukioq kingulleq ca. Kr. 500.000-eqarnikuupput.

Peqqik Sunngiffik – ukiumut pilersaarutaat

Peqqik Sunngiffikkut ukiumut pilersaarutitik nassiunnikuaat, taamatuttaaq aamma eventkoordinator Sermermiuni nassiussinikuvoq ukiumut pilersaarummik. Taakkunanga aningaasaliissutit kr. 190.000 atorneqartussaapput innuttaasunut assigiinngitsunik aqqissuussinernik. Sinneruttut ca. Kr. 60.000 Peqqik Sunngiffimmiit atorneqarnissaat naatsorsuussaavoq.

Kommunaldirektørip ilisimatitsissutigivaa kommunalbestyrelsip aningaasaliissutit 10%-ii tunniuttakkaminniit toqqaannaq Peqqik Sunngiffimmi pinaveersaartitsinermi illikartinneqartartut. Taamaattumillu aamma taassuma oqartussaaffiup aningaasat sumut atorneraat ataatsimiititaliap akuleruffigeqqusaanngikkaat allaffissornermut akulerussinnaannginneq toqqammaviulluni.

Sag nr.	Sammasaq	Bilag nr.	001
ILUNA 003	Siulittaasussamik qinersineq	Journal nr.	

Uteqqiineq:

Siulittaasusimasoq Brian Grønvold siulittaasutut tunuarniuteqarnikuuvoq. Siulittaasuungallartup kissaatinginikuuaa, siulittaasumik nutaamik qinersisoqassasoq, tamannalu eqqartungassatut siullertut ikkunneqassasoq. Taamaattumik ilaasortat siulittaasussaminnik qinersitinneqassapput.

Suliap saqqummiunnera:

Najukkami ataatsimiititaliap ileqqoreqqusaani § 1, immikkoortoq 3 malillugu ataatsimiititaliap siulittaasussaminnik, siulittaasullu tullersortissaanik nammineerlutik qinersisussapput.

Siulittaasup suliassai Avannaata Kommuniata Sumiiffinni ataatsimiititalianut suleriesissiaani 27. September 2021-meersumi allaqqapput.

Iluarsiinissamut siunnersuut – sammisanut tunngatillugu nalilersuineq
Siulittaasumik siulittaasullu tullianik ilaasortat qinersissapput

Ingerlariaqqinnissaq

Siulittaasoq siulittaasullu tullia qiningaareerpata, ataatsimiinnermi oqaluuserisassat malillugit siulittaasoq sulilissooq.

Aningaasaqarnermui kingunerisinnaasat:

Aningaasartuutaassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aquneqarnerat pillugu Inatsisartut inatsisaat nr. 29, 17. november 2017-imeersoq
- Najukkami ataatsimiititaliap ileqqoreqqusai
- Avannaata Kommuniata Najukkami ataatsimiititaliamut suleriesissiaa

Suliamik isumaginninneq:

Ilulissani Najukkami Ataatsimiititaliap

Inassuteqaat:

Allattoqarfimmiit Ilulissani Najukkami Ataatsimiititaliamut inassuteqaatingaa qinersisoqassasoq akuerineqassasorlu.

Ilanngussat:

Bilag 001-01: Najukkami ataatsimiititaliap ileqqoreqqusai

Bilag 001-02: Avannaata Kommuniata Najukkami Ataatsimiititaliamut suleriesissiaa

Aaliangineq:

Sag nr.	Sammasaq	Bilag nr.	001
ILUNA 004	Innuttaasunik ataatsimiisitsinissap nutaamik ullulerneqarnissaa	Journal nr.	

Uteqqiineq:

Ataatsimiititaliaq innuttaasunik ataatsimiisitsiniarluni aaliangernikuuvoq. Innuttaasut kissaataannik tusarniaanertut, aammalu suliniutit angisuut innuttaasut akuutinneqarnerunissaannik imalik saqqummiunneqartussaasoq ataatsimiititaliap aaliangernikuuaa. Ataatsimiinnissaraluaq kinguartinneqarnikuuvoq siulittaasup tunuarniuteqarnerata kingorna, nutaamik qinerseqqaartariaqarassi. Ataatsimiisitaliaq nutaamik ulluliinissamik isumaqatigiisooq.

Suliap saqqummiunnera:

Iluissani Najukkami Ataatsimiisitaliap ileqqoraa innuttaasunik tusarniaalluni ataatsimiisitsisarnini. Ilaatigut suliniutit tusartitassat, suliap qiningaaffimmi naammassisat, suliniutillu immikkuullarissut saqqummiunneqartarlutik. Ukioq qinersiviususaaq aallartimmat nutaamik tusarniaanissaaq pisussanngorpoq, siornatigut tamanna Ataatsimiisitaliap oqaluusererepaa aaliangiiffigalugulu. Maannakkut qaqugu pissanersoq ullulerneqassooq, saqqummiussassallu sunik imaqaarnissaat inissinneqassapput.

Iluarsinissamat siunnersuut – sammisanut tunngatillugu nalilersuineq

Ataatsimiisitaliaq innuttaasunik aggersaassooq ulluliilluni, tassanilu suliniutit siunniussimasat aningaasaliissutillu aggulunnerat saqqummiunneqassapput. Aammalu immikkuullarissut suliap ingerlalerneq – Pinnguartarfiliornissamat suliniut – aamma immikkut eqqartorneqassooq.

Ingerlariaqqinnissaaq

Ataatsimiititaliaq aaliangeereerpat, sumiiffissaaq aggersaanerlu pissaaq. Ilaatigut radiokkut aammalu Avannaata Kommuniata Facebook-ikkut nittartagaa atorlugu aggersaaneq pisinnaavoq. Innuttaasut tusarniarneqareerpat nutaamik ataatsimiinnissaaq pissasoq takorloorneqarpoq, ilaatigut ilaasortat ukiumut suliniutissat tikkuussaat eqqartorneqartariaqarmata.

Aningaasaqarnermui kingunerisinnaasat:

Ataatsimiiffissamat aammalu imeruusaatit assigisaallu aningaasartuutaassapput, annerusumilli aningaasartuutaanissaa takorloorneqanngilaq.

Inatsisitigut tunngavigisat aamma toqqammavissisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Najukkami ataatsimiititaliap maleruaqqusaa

Suliamik isumaginninneq:

Iluissani Najukkami Ataatsimiititaliaq
Allattoqarfik

Inassuteqaat:

Allattoqarfimmiit Ilulissani Najukkami Ataatsimiititaliamut inassuteqaatingaa innuttaasunik ataatsimiisitsinissaq ullulerneqassasoq, aammalu sumi ingerlannissaa sunillu sallaallertoqarsinnaanera aaliangiiffigissangaat.

Aaliangineq:

Sag nr.	Sammasaq	Bilag nr.	001
ILUNA 005	Nammaarfimmiit Qilakitsut tungaannut qaninersiortarfiliornissamut suliasaq	Journal nr.	

Uteqqiineq:

Ilaasortaq Brian Grønvold oqaluuserisassanngortitsinikuuvoq Nammaarfimmiit Qilakitsup aqquataa tungaannut qaninersiortarfimmik pilersitsinissamik suliaq aallartinneqassasoq. Ataatsimiisitaliap uani eqqartussuaa suliaq aallarnisarneqarluni Teknikkeqarfimmut misissungassanngortinneqassanersoq.

Suliap saqqummiunnera:

Ilaasortaq Brian Grønvoldip oqaluuserisassanngortissimavaa Nammaarfimmiit Qilakitsup aqquataa tungaannut qaninersiortarfiliortoqarnissaa.

Allattoqarfiup tamanna toqqammavingalugu Teknikkeqarpiup ittua isumasiorsimavaat. Taassuma eqqumaffissatut ersarissaqquai nuna masarluusup aasakkut misissorluaqqaarneqarnissaa, tusarniaanerit assigiinngitsut marluk ingerlasariaqarnissaat; siulleq aqqummik atuisunut tusarniaaneq, aappaattullu najugaqartunik tusarniaaneq.

Teknikkeqarfiup ersarissarpaa qaninersiortarfittut atuuttup aqquataa tummeraalu allanik pingineqarmata massakkut aqquataasutut atortoq kommunimiit sanaartorfigineqarnissaa ajornakusuussasoq, tummeqqat qanoq atorneri aaqqiivigineqanngippat. Allatigut qaninersiorfimmut aqusiorsinnaaneq takorloorneqartariaqassooq.

Iluarsiinissamut siunnersuut – sammisanut tunngatillugu nalilersuineq

Ataatsimiisitaliap misissuinissamut suliatus taallugu suliasaq Teknikkeqarfimmut ingerlateqqissinnaavaat, inatsisinik sinaakkutat tusarniaanerillu taakkunannga ingerlanneqassammata. Taakku inerneru aallaavingalugit suliaq nutaamik Teknikkeqarfimmiit aaliangiiffigisassanngortinneqarsinnaavoq.

Ingerlariaqqinnissaq

Ataatsimiititaliap aaliangeereerpat, Teknikkeqarfimmut aaliangerneq ingerlateqqinneqassooq suliarineqarlunilu. Nunaminertap suliarinissaa, tusarniaanissallu assigisaallu suliarineqassapput.

Aningaasaqarnermuis kingunerisinnaasat:

Aningaasaliissutit iluanni naammassineqarnissaat suliniutigineqassaaq, tamannali aaqqiissutissaq aallaaviulluni sinaakkutit qaangerlugit aningaasartuuteqarsinnaanissaq sillimaffigineqassaaq.

Inatsisitigut tunngavigisat aamma toqqammavissisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Najukkami ataatsimiititaliap maleruaqqusaa
- Sanaartortarnermi maleruaqqusat assigiinngitsut

Suliamik isumaginninneq:

Iluissani Najukkami Ataatsimiititaliap
Allattoqarfik
Teknikkeqarfik

Inassuteqaat:

Allattoqarfimmiit Ilulissani Najukkami Ataatsimiititaliamut inassuteqaatingaa
Ataatsimiisitaliaq aaliangissasoq suliaq Teknikkeqarfimmut ingerlateqqinneqassasoq misissugassanngorlugu.

Aaliangineq:

Sag nr.	Sammasaq	Bilag nr.	001
ILUNA 006	Multibanep pilersinnissaanut suliaq	Journal nr.	

Uteqqiineq:

Ilaasortaq Jonas Fleischer siorna 2024-mi oqaluuserisassanngortitsinikuuvoq multibaneqqamik pilersitsisoqassasoq, tamannalu ataatsimiititaliap ilalerlugu aaliangiiffiginikuuat. Maannakkut neqeroorutit pingasut ataatsimiisitaliap naliliiffigissuai.

Suliap saqqummiunnera:

Ilaasortaq Jonas Fleischer siorna 2024-mi oqaluuserisassanngortitsinikuuvoq multibaneqqamik pilersitsisoqassasoq, tamannalu ataatsimiititaliap ilalerlugu aaliangiiffiginikuuat. Siornatigulli pisereersimasutut allakkanik tingusaqarnerup kinguneranik suliaq kinguartikkallarneqarsimavoq, pisiasimasut ugartorneqaqqaarnikummata. Pisiasimasut suli ugartorneqassapput, taamaattorli una suliaq ingerlaqqittariaqarpoq nutaamillu neqeroorutit nalilerneqarlutik.

Pisiasimasut nassaarineqassangaluarpata ataatsimiisitaliap pingimmagit ataatsimiisutigineqarumaarput ikkussuunneqarnissaat.

Iluarsinissamut siunnersuut – sammisanut tunngatillugu nalilersuineq

Neqeroorutit aallertoqarnikuuvoq Arctic Import Grønlandimut, NDO Supply-imut aammalu Cramersalemut. Taakkunannga neqeroorut illoqarfitsinnut tulluunnerpaaq ataatsimiititaliap qinersissutigalugu aaliangiiffigissuaat. Akikinnerpaamik qinersinissaq takorluugaanngilaq, multibanelli sanajuminassusaa atoruminassusaa, qanorlu arlalinnik atornerqarsinnaanera oqimaalutaaqataassapput.

Ingerlariaqqinnissaq

Ataatsimiititaliap aaliangeereerpat, Teknikkeqarfimmut aaliangerneq ingerlateqqinneqassooq suliarineqarlunilu. Nunaminertalerisunut sumiiffiusinnaasut misissortinneqalereerput, tamannalu aamma aallartarneqassooq piviusunngortinneqarlunilu.

Aningaasaqarnermuis kingunerisinnaasat:

Aningaasaliissutit iluanni naammassineqarnissaat suliniutigineqassaaq. Atortunik pisineq aningaasanik kr. 250.000-iniik kr. 400.000-ip tungaanut nikingasinnaaneri naatsorsuutigineqarpoq. Pisinerup saniatigut sanaartornermi aningaasartuuteqartoqassooq, tamanna ulloq manna nalileruminaappoq qanoq akeqarsinnaanera akit nikerartuutuummata.

Inatsisitigut tunngavigisat aamma toqqammavissisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Najukkami ataatsimiititaliap maleruaqqusaa

Suliamik isumaginninneq:

Iluissani Najukkami Ataatsimiititaliap
Allattoqarfik
Teknikkeqarfik

Inassuteqaat:

Allattoqarfimmiit Ilulissani Najukkami Ataatsimiititaliamut inassuteqaatingaa
Multibanemik pisisoqassasoq, Teknikkeqarfimmullu suliatut naammassisassatut ingerlateqqinneqassasoq.

Aaliangineq:
